

<https://hstryres.uz/journal/index.php/makro>

2026, № 1 (13)

ISSN-3030-3761



ТАРИХИЙ ТАДҚИҚОТЛАР
Илмий журнали

ИСТОРИЧЕСКИЕ ИССЛЕДОВАНИЯ
Научный журнал

HISTORICAL RESEARCHES
Scientific journal

ТОШКЕНТ-2026

Бош муҳаррир:
Главный редактор:
Chief Editor:

Юнусова Хуршида Эркиновна
тарих фанлари доктори, профессор
Ўзбекистон Миллий университети

Бош муҳаррир ўринбосори:
Заместитель главного редактора:
Deputy Chief editor:

Шакиров Иляс Рахимзянович
т.ф.ф.д., (PhD)
Ўзбекистон Миллий университети

ТАҲРИР ҲАЙЪАТИ
РЕДАКЦИОННАЯ КОЛЛЕГИЯ
EDITORIAL BOARD

Сагдуллаев Анатолий Сагдуллаевич
тарих фанлари доктори, профессор, Академик
Ўзбекистон Миллий университети
Сулейманов Рустам Хамидович
тарих фанлари доктори, профессор
Ўзбекистон Миллий университети
Муминов Алишер Гаффарович
Сиёсий фанлари доктори, профессор
Ўзбекистон Миллий университети
Зуев Андрей Сергеевич
тарих фанлари доктори, профессор
Новосибирск Давлат университети
Ишанхуджаева Замира Райимовна
тарих фанлари доктори, профессор
Ўзбекистон Миллий университети
Кобзева Ольга Петровна
тарих фанлари доктори, профессор
Ўзбекистон Миллий университети
Холиқулов Ахмад Баймаҳаматович
тарих фанлари доктори, профессор
Ўзбекистон Миллий университети
Габриэльян Софья Ивановна
тарих фанлари доктори, доцент
Ўзбекистон Миллий университети
Убайдуллаева Барно Машрабжоновна
тарих фанлари доктори, доцент
Ўзбекистон Миллий университети
Очилдиев Файзулла Бобоқулович
тарих фанлари доктори, профессор
Ўзбекистон Миллий университети
Саидбобоев Зокиржон Абдукаримович
тарих фанлари доктори, профессор
Ўзбекистон Миллий университети
Азизов Илдар Рафаэлевич
Сиёсий фанлари доктори (DSc), доцент
Бизнес ва тадбиркорлик Олий мактаби

Гаффоров Шокир Сафарович
тарих фанлари доктори, профессор
Самарқанд давлат университети
Сиддиков Равшан Бердимуратович
тарих фанлари номзоди, доцент
Ўзбекистон Миллий университети
Тухтабеков Козимбек Азимбекович
тарих фанлари номзоди, доцент
Ўзбекистон Миллий университети
Бабабеков Акбар Давурбаевич
тарих фанлари бўйича фалсафа доктори (PhD)
Ўзбекистон Миллий университети
Бахранов Шерзод Таштурсунович
тарих фанлари бўйича фалсафа доктори (PhD)
Жамоат ҳафсизлиги университети
Алиазарова Дилдора Валишеровна
тарих фанлари бўйича фалсафа доктори (PhD), доцент
Ўзбекистон Миллий университети
Холиқулова Шахноза Боймуҳамматовна
тарих фанлари бўйича фалсафа доктори (PhD), доцент
Навоий Давлат педагогика институти
Нормуродов Дилмурод Раҳматуллаевич
тарих фанлари бўйича фалсафа доктори (PhD), доцент
Ўзбекистон Миллий университети
Абдулаева Нигора Санжаровна
тарих фанлари бўйича фалсафа доктори (PhD), доцент
Америка технологиялар университети
Тоғаев Жасур Эркинович
тарих фанлари бўйича фалсафа доктори (PhD), доцент
Ўзбекистон Миллий университети
Усаров Умид Абдумавлянович
тарих фанлари бўйича фалсафа доктори (PhD), доцент
Ўзбекистон Миллий университети
Эшқувватов Бобир Валикул ўғли
тарих фанлари бўйича фалсафа доктори (PhD), доцент
Ўзбекистон Миллий университети

Контакт редакции журнала
Город Ташкент, улица Мирзо Голиба,
Исторический факультет
Национального Университета
Узбекистана имени Мирзо Улугбека
Web: <https://hstryres.uz/journal/>
E-mail: I.Shakirov91@mail.ru
Тел: +998900382203

Contact Editors of journal
Tashkent city, street of Mirzo Golib,
Faculty of history of the National
university of Uzbekistan named after
Mirzo Ulugbek
Web: <https://hstryres.uz/journal/>
E-mail: I.Shakirov91@mail.ru
Phone: +998900382203

МУНДАРИЖА / СОДЕРЖАНИЕ / CONTENT

1	Abdurasilov Shoxrux Raupovich	5
	OʻRTA ASPLARDA TOSHKENTNING IJTIMOIIY-SIYOSIY VA ETNIK TARIXI	
2	Abdunosirova Ozodaxon Botirjon qizi	14
	SHOHRUX MIRZONING ILMIY VA IJODIY FAOLIYATIGA DOIR	
3	Акбоева Зебинисо Джалолиддиновна	19
	ЯНГИ ИҚТИСОДИЙ СИЁСАТИНИНГ ТУРКИСТОНДА ЖОРИЙ ҚИЛИНИШИ ВА УНИНГ ОҚИБАТЛАРИ	
4	Begimqulova Laylo Mashrabovna	23
	AMIR TEMUR DAVLAT BOSHQARUVIDA OLIY MASLAHAT KENGASHINING FAOLIYATI	
5	Begimqulova Laylo Mashrabovna	28
	AMIR TEMUR TAMONIDAN MARKAZLASHGAN DAVLAT ASOSLARINING YARATILISHI	
6	Гаффоров Шокир Сафарович	35
	ПОЛИТИКА ЗАСЕЛЕНИЯ ТУРКМЕНСКИХ ТЕРРИТОРИЙ РОССИЙСКИМИ ПЕРЕСЕЛЕНЦАМИ В КОЛОНИАЛЬНЫЙ ПЕРИОД	
7	Дусчанов Расулжон Рахимбердиевич	43
	ЎЗБЕКИСТОНДА МОЛИЯ ТИЗИМИ ТАРИХИ	
8	Ernazarov Shermuhammad Eshbekovich	49
	TARIX, TARAQQIYOT VA MILLIY GʻOYA	
9	Fayzrahmanova Zarina Ildarovna	58
	SHAYBONIYLAR SULOLASI DAVRIDA BUXORO XONLIGI	
10	Исмоилова Парвина Хамиджон кизи	66
	ВОПРОС ОБ УЧРЕЖДЕНИИ СИСТЕМЫ КРЕДИТОВАНИЯ В ТУРКЕСТАНСКОМ КРАЕ (НА МАТЕРИАЛАХ ТУРКЕСТАНСКОГО СБОРНИКА)	
11	Ишанходжаева Замира Райимовна., Махкамова Рано Аловиддин кизи	72
	ЎЗБЕКИСТОН МИЛЛИЙ УНИВЕРСИТЕТИ (ЎОДУ) ИККИНЧИ ЖАҲОН УРУШИ ЙИЛЛАРИДА	
12	Кобзева Ольга Петровна	81
	В ПАМЯТЬ ОБ УЧЕНОМ	
13	Mamajonov Soyibjon Xalilovich	86
	“SHARQ KUTUBXONASI” ASARIDA AMIR TEMURNING DASHT YURISHI MASALASINING OʻRGANILISHI	
14	Maxamova Shahlo Anatoliyevna	91
	CHIGʻATOY ULUSI MUSTAQILLIK DAVRI (1306-1346)NING ARABIY MANBALARDA AKS ETISHI	
15	Norbekov Suhrob Farxod oʻgʻli	98
	SHARQIY SLAVYAN DIASPORASINING IJTIMOIIY - SIYOSIY FAOLLIGI (USTUNLIGI): TURKISTON ASSR (1918-1924 YILLAR)	
16	Ochilova Dilobar Joʻraqulovna	108
	MOʻGʻULLAR IMPERIYASINING SHAKLLANISHI DAVRI MASALASIDA SHARQ MANBALARNING QIYOSIY TAHLILI	
17	Qitaybekov Azizbek Kenesbek oʻgʻli	114
	1970-YILLARDA QORAQALPOGʻISTON FUQARO AVIATSIYASINING XALQ XOʻJALIGIDAGI OʻRNI: ARXIV Hujjatlari TAHLILI	
18	Qodirova Mavluda Mirzaraximovna	120
	QURBONJON DODXOHNING IQTISODIY SIYOSATI	
19	Qoraboyev Sherzodbek Raximovich	125
	MASJIDLAR FAOLIYATIDA MILLIY URF-ODATLAR VA DINIY QADRIYATLAR UYGʻUNLIGI (FARGʻONA VODIYSI TAJRIBASI ASOSIDA)	

20	Tolibjonov Azizjon Tolibjonovich SULTON TAKASHNING IROQ SALJUQIYLARI VA ABBOSIYLAR XALIFALIGI BILAN SIYOSIY MUNOSABATLARI TARIXI	130
21	Turdaliyev Abduhilol Zohidjon o‘g‘li CHIG‘ATOY ULUSI VA ELXONIYLAR DAVLATI O‘RTASIDAGI SIYOSIY KURASHLAR	139
22	Худойкулов Урал Каримович ЎЗБЕКИСТОННИНГ ЖАНУБИЙ ВИЛОЯТЛАРИДА ЕНГИЛ ВА ОЗИҚ-ОВҚАТ САНОАТИНИНГ РИВОЖЛАНИШИДАГИ ЎЗГАРИШЛАР ВА МУАММОЛАР	149
23	Хо‘jamberdiyev Ma‘murjon Mirkomil o‘g‘li TEMURIYLAR DAVRI TABIBLARI VA ULARNING KUNDALIK HAYOTI	156
24	G‘ulomov Ilhomjon Komiljonovich 1920-YILDA O‘TKAZILGAN AHOLINI RO‘YXATGA OLISH TADBIRINING ROSSIYA UCHUN IQTISODIY AXAMIYATI (TURKISTON ASSR MISOLIDA)	163

Ишанходжаева З. Р.

«Ўзбекистон тарихи» кафедраси профессори, т.ф.д.
Ўзбекистон Миллий университети
zamira.i@rambler.ru

Махкамova Р. А.

«Ўзбекистон тарихи» кафедраси таянч докторанти
Ўзбекистон Миллий университети
ranomaxkamova082312@gmail.com

ЎЗБЕКИСТОН МИЛЛИЙ УНИВЕРСИТЕТИ (ЎОДУ) ИККИНЧИ ЖАҲОН УРУШИ ЙИЛЛАРИДА

АННОТАЦИЯ

Мазкур мақолада Иккинчи жаҳон уруши йилларида (1941–1945) Ўрта Осиё Давлат Университети (ҳозирги Ўзбекистон Миллий Университети) фаолияти ёритилган. Уруш шароитида университетнинг ўқув, илмий-тадқиқот ва тарбиявий фаолиятини қайта ташкил этиш жараёни, профессор-ўқитувчилар ва талабаларнинг фронт ва фронт орти учун кўрсатган хизматлари таҳлил қилинган. Шунингдек, эвакуатсия қилинган етук олимларнинг университет илмий салоҳиятини оширишдаги ўрни, ҳарбий эҳтиёжлар учун мутахассислар тайёрлаш, илмий ишланмаларни муҳофаза саноати ва халқ хўжалиги эҳтиёжларига йўналтириш масалалари ёритилган. Тадқиқот натижалари ЎОДУ жамоасининг фашизмга қарши умумхалқ курашидаги ҳиссасини ва уруш йилларида университетнинг илмий-маърифий марказ сифатида ривожланганини кўрсатади.

Калит сўзлар: Ўзбекистон Миллий Университети, Ўрта Осиё Давлат Университети, Иккинчи жаҳон уруши, олий таълим, илмий тадқиқотлар, эвакуатсия қилинган олимлар, ҳарбий тайёргарлик, фронт орти фаолияти.

КИРИШ

Ўзбекистон Миллий Университетининг деярли юз йилдан ортиқ фаолияти давомида Ўрта Осиё халқларининг ҳаётида муҳим рол ўйнади ва ҳозирги кунда ҳам бу ролни давом эттирмоқда. Университет минтақада таълим, илм-фан ва маданият марказига айланган. Университетнинг тарихий ютуқларидан бири Ўзбекистон ва Ўрта Осиёлик интеллектуал ёшларни тарбиялашдир. Шунингдек, унинг Ўзбекистон Фанлар Академиясини ташкил этишда, катта илмий марказлар ва бошқа таълим, илм-фан ва маданият муассасаларини яратишда ҳам аҳамияти жуда катта. Бу барча ишлар Ўрта Осиё ва унинг ташқарисида ҳам таълим ва илм-фаннинг ривожланишига хизмат қилмоқда.

ТАДҚИҚОТНИНГ АСОСИЙ НАТИЖАЛАРИ

1918-йилда асос солинган Ўрта Осиё Давлат Университети (ЎОДУ) XX асрнинг 40-йилларига келиб, минтақадаги энг йирик таълим ва илмий

муассасалардан бирига айланган эди. Университет мамлакат иқтисодиёти ва маданиятнинг ўсишига сезиларли таъсир кўрсатадиган муҳим ташкилот бўлган. Ўша даврда фаолият юритган бешта факультет – тарих, физика-математика, кимё, биология ва тупроқ-геология-география факультетларида икки мингдан ортиқ талабалар ва 103 аспирант таълим олган. 1941 йил бошида ЎОДУда 38 профессор илмий-педагогик ва тарбиявий ишларни олиб борган, улардан 19 нафари фан доктори, 51 нафари доцент, 42 нафари эса фан номзоди эди[1]. Университетнинг катта жамоаси самарали таълим ва илмий-педагогик фаолиятни фаол жамоат иш билан бирлаштирган.

Миллий университет мамлакатнинг ижтимоий-иқтисодий ва маданий ҳаётида фаол иштирок этган ҳолда, Иккинчи жаҳон уруши даврида ҳам ўзини бир четга олмади. Урушнинг бошланиши ва Гитлер Германиясининг Совет Иттифоқига нисбатан хиёнаткорона ҳужуми тўғрисидаги хабар университет жамоасида ғазаб билан кутиб олинди. Университетнинг спорт майдонида дарҳол митинг ўтказилди, унда йиғилган профессорлар, доцентлар, ўқитувчилар ва талаба, ишчи ва хизматчилар фашист босқинчиларига қарши ўз норозиликларини билдириб ўтдилар. Ушбу митингда университет ректори Д.Ф.Желизняков, кимё факультети декани И.П.Цукерваник, ҳарбий кафедра бошлиғи П.Ю.Французов, биотехнология факультетининг доценти А.С.Шаталина, талабалар Убайдуллаев, Кирсанов, Абакумов ва бошқалар душман мағлуб бўлади деган ишончни ифодалаб сўзга чикди[2].

Урушнинг дастлабки кунларида, 1941-йил 28-июн куни университетнинг профессор-ўқитувчилар таркиби, олимлар В.И.Романовский, И.А. Райкова, Т.А.Саримсаков, Т.З.Заҳидов, Ш.Т.Талипов ва бошқалар “Правда Востока” газетасида ҳукуматнинг ҳар қандай топшириқларини бажара олишга тайёр эканликларини маълум қилганлар. Улар ўз билимларини, кучларини ва, зарурат туғилса, ўз ҳаётларини ҳам “душманга қарши ғалаба қозониш” учун фидо қилишга тайёр эканликларини баён этишган[2]. Ушбу мақола шуни кўрсатадики, университет олимлари, шунингдек, республиканинг барча меҳнаткашлари ва бутун халқ, урушнинг дастлабки кунларидан бошлаб, Ватанларига бўлган садоқат, ватанпарварлик руҳи ва юксак онгнинг намунасидир.

Урушнинг илк кунларидан бошлаб, Ўзбекистон олий таълим муассасалари фаолиятини ҳарбий тартибга ўтказишга киришди. Ўқув йили 1941 йил 1 августда бошланди. С.Д.Муравейский, ЎОДУ ректори, воқеа шароитларини инобатга олиб, университет жамоасининг ишининг асосий йўналишларини белгилаб берди. Бунга, асосан, меҳнат интизомини кучайтириш, тарбиявий ишларни фаоллаштириш ва университет жамоасини фашизмга қарши кучайтирилган меҳнатга сафарбар қилиш киритилди.

Университет жамоаси бир катор муаммолар билан тўқнаш келишига тўғри келди, уларни кечиктирмасдан ҳал этиш зарур эди. Ушбу даврда юзага келган қийинчиликлар университет профессор-ўқитувчилар таркибининг 70% ини мобилизация қилиниши ва фронтга ўз ихтиёри билан кетиши билан боғлиқ эди. Биринчи бўлиб, ихтиёрий равишда фронтга кетганлар орасида

И.И.Романов, Д.И.Лобашев ва П.Л.Черенцов бор эди¹. Бундан ташқари, Қизил Армия сафларига талабаларнинг яримидан кўпини, шунингдек, деярли барча механик, собит, столяр ва боғловчилар устахона ходимлари ва университетнинг кўплаб ишчилари чақирилди. Университетда қолган ўқитувчилар, талабалар ва ходимлар умумхалқ душманига – фашизмга қарши курашга фаол равишда киришдилар.

Уруш даврининг қийинчиликлари тезда ҳал қилинди, ректорат назорати остида ЎОДУ коллективининг фаолияти янги шароитларга мос равишда қайта ташкил этилди. Мутахассисларни янада тезроқ тайёрлаш мақсадида, ўқув режалари беш йиллик таълимдан уч йиллик таълимга ўтказилди. Бу жараёнда бир қатор ёрдамчи фанлар ўқув дастуридан олиб ташланди, шунингдек, барча факультетларда муҳофаа аҳамиятига эга бўлган бир қатор фанлар жорий этилди. Масалан, физика-математика факультетида талабаларга ҳарбий метеорология, ҳарбий ишга тадбиқ этилган эҳтимоллар назарияси, ҳарбий акустика, ташқи ва ички баллистика асослари, қанот ва пропеллер назарияси, самолёт қурилмалари каби фанлар ўқитилди. Кимё факультетида эса заҳарли моддаларни таҳлил қилиш, газдан сақланиш мосламаларининг физик ва кимёвий асослари, заҳарли моддаларининг токсик хусусиятлари, портловчи моддалар кимёси ва бошқа курслар ўргатилди.

Уруш шароитлари қатъий талаблар қўйди, ва университет раҳбарияти баъзи кафедраларни ва факультетларни бирлаштиришга мажбур бўлди. 1941 йил ноябрида Ўзбек Давлат Университети (Самарқанд) ЎОДУга бирлаштирилди[2]. Талабалар ётоқхонаси ҳарбий эҳтиёжлар учун ажратилди. 1942 йил 7 февралдан бошлаб, университет биносида Москва Авиация Институтини ўқув жараёнини бошлади[3]. Буларнинг барчаси университетнинг битирувчиларини зарурий ҳарбий тайёргарликдан ўтказишга ёрдам берди.

Таълим жараёнидан ташқари, кафедраларнинг илмий тадқиқот фаолияти ҳам қайта қурилди. ЎОДУ жамоаси фронтга нафақат назарий муаммоларни ишлаб чиқиш, балки амалий жиҳатдан ҳам – муҳим муҳофаа маҳсулотларини тайёрлаш, шунингдек, фронт ва тинч аҳоли учун зарур бўлган махсус кимёвий реактивлар, етишмаётган дори-дармонлар ишлаб чиқаришга ёрдам берди. Шу муносабат билан “Органик кимё” кафедраси республикадаги кимё-фармацевтика саноатининг асосчиси ва ташкилотчиси ҳисобланганини таъкидлаш лозим[3]. Ишчи кучининг етишмаслиги ҳар томонлама сезиларли бўлиб, кўплаб талабалар университетда таълим олишни ишлаб чиқариш билан бирлаштирдилар, улар муҳофаа саноатида ишлаб, фронтга жўнаб кетган ишчилар ўрнини босдилар[4].

Ушбу даврда ҳарбий фанлар фаол равишда ўрганилди. Ҳарбий кафедра раҳбарлигида университет профессор-ўқитувчилари турли йўналишларда тайёргарлик кўришди: ўқчи, телефонист, радио оператори, ҳарбий таржимонлар ва сиёсий ишчилар тайёрланди. Айниқса, тиббий муассисалар учун ҳамшира тайёрлашга алоҳида эътибор қаратилди. Бунинг учун

¹П. Л. Черенцов - Университет ходими, урушни биринчи куниданоқ фронтга кетган ва Ленин ордени билан тақдирланган. Москва учун жангларда ҳалок бўлган

профессор Л.В.Ошанин ва А.С.Шаталина раҳбарлигида махсус курслар ташкил этилди[2].

Уруш бошланишидан олдин ташкил этилган снайперлар мактаби сезиларли даражада кенгайтирилди. Ушбу мактабда А.Филипов, В.Вознесенский, Скляровлар оиласининг укаси ва синглиси каби снайперлар таълим олдилар. Қисқа вақт ичида ушбу мактаб 200 снайперни тайёрлаб чиқарди. Университетда олинган ҳарбий тайёргарлик Қизил Армия сафига чақирилганларга уларнинг ҳарбий хизматида катта ёрдам берди ва кўплаб ҳукумат мукофотлари билан тақдирландилар.

1941 йил августидан бошлаб Ўзбекистонга эвакуация қилинган профессорлар ва талабаларнинг келиши бошланди[2]. Кўплаб ЎОДУ ходимлари эвакуация қилинган олимлар билан бирга масъулиятли иш жойларига жалб этилдилар, улар орасида И.К.Додонов, Н.М.Мирошкҳина, Т.З.Захидов, А.Т.Туляганов каби шахслар ҳам бор эди. Шунингдек, бу мураккаб йилларда ЎОДУ жамоаси учта ҳарбий касалхона билан ҳамкорлик қилди, ўқитувчилар ва талабалар жароҳатланган жангчиларга маърузалар ўқиди, адабий кечалар ўтказди, машхур китоблар кўргазмаларини ташкил этишди, кўчма кутубхоналар ташкиллаштирилди, касалхоналарни тозалаш ва кийимни таъмирлаш учун йиғилишди. ЎОДУ жамоаси фронтга ёрдам бериш учун йўналтирилган барча тадбирларда фаол иштирок этди – мудофаа фондига маблағ йиғиш (1943 йил августига келиб, ходимлар ва профессор-ўқитувчилар томонидан 68 минг рубл нақд пул ва 47 минг рубл облигациялар йиғилган эди), Қизил Армия учун иссиқ кийимлар йиғиш, “Мопровец Ўзбекистон” эскадрилясини куриш учун маблағ йиғиш, Ленинград аҳолисига ёрдам кўрсатиш, Қизил Армия жангчиларига совғалар йиғиш ва бошқа тадбирлар.

Ахборот ва тарғибот ишларини кенгайтириш ва кучайтириш мақсадида халқ орасида тажрибали ва обрўли ўқитувчилардан иборат махсус агитация бюроси ташкил этилди. Дастлаб, агитация бюросини университет ректори С.Д.Муравейский бошқарган, унинг Москвага жўнаб кетганидан сўнг, проректор М.Г.Кадек бошқаришни ўз зиммасига олган². Университетнинг барча факультетларида 100 нафар агитатор ва тарғиботчидан иборат жамоалар фаолият олиб борган. 1943 йилдан бошлаб, 20 соатлик дарслар ўтказиладиган махсус семинар ташкил этилди ва катта курс талабалари учун босқинчиларга қарши урушга бағишланган маърузалар ўтказилди. ЎОДУ ҳисоботида кўра, фақат 1942/1943 ўқув йилида эвакуация қилинган касалхоналарида 319 та маъруза ўқилган, Пушкин, Горкий ва Маяковский кечалари ўтказилган. Кутубхоналар учун 200 та китоб совға қилинган, 11 та кўргазма ўтказилган, саккизта кўчма китоб кўргазмаси ташкил этилган ва беморлар билан 1250 та суҳбат ўтказилган. “Тошкент” темир йўл стансиясидаги агитация марказида ойига ўртача ўн та маъруза ўқилган[5].

²М. Г. Кадек – Латвияни озод қилинганидан кейин 1944-1949 йилларда П. Стучка номидаги Латвия Давлат университети ректори лавозимида ишлаган.

ЎОДУ олимлари илмий тадқиқотларни давом эттиришди – физиклар спектрал таҳлил ва унинг саноатдаги қўлланилиши, пахта-шакарнинг ва уни толаси намлигини аниқлаш усуллари ишлаб чиқиш билан шуғулланишди, кучли симоб тўғрилағичларни тиклаш ишларида фаол иштирок этдилар. “Аналитик кимё” кафедраси мудофаа корхоналари учун зарур бўлган баъзи реактивларни ишлаб чиқаришни йўлга қўйган, “Минерология” кафедраси мудофаа саноати учун янги турларни ўрганиш давомида Ўрта Осиёдаги темир рудалари конларига асосланган Ўзбекистоннинг қора металлургиясини ташкил этиш ғоясини илгари сурди.

Қийин шароитларга қарамай, уруш йилларида университет янада ривожланишда давом этган. Бунда Тошкентга эвакуация қилинган Москва, Ленинград ва мамлакатнинг бошқа марказий шаҳарларидан келган йирик олимларнинг алоҳида роли бор эди. Тарих факультетининг кафедраларида машҳур олимлар, академиклар иш олиб борган: Б.Д. Греков, В.И. Писетта, А.Ю. Якубовский, В.В. Струве, Р.Ю. Виппер, Е.А. Косминский, А.Д. Удалцов, профессор М.В. Нечкина, С.Н. Валк, Б.Е. Штейн, И.И. Полосин, А.В. Предтеченский, Н.Н. Степанова, А.И. Анекштайн, Л.И. Зубок, М.В. Левенченко, И.П. Петрушевский ва бошқалар.

Бу университетда тарих фанлари таълим сифатини оширишга, илгари ўқитилмаган янги махсус курслар ва махсус семинарлар ишлаб чиқишга, илмий тадқиқотлар доирасини кенгайтиришга имкон берди. Шунингдек, эвакуация қилинган илмий марказлар олимлари филология факультетида ҳам фаол ишладилар.

Академик Е.Д. Бертелс “Ўзбек филологияси” кафедрасини, академик Н.К.Пиксанов “Рус филологияси” кафедрасини, “Ғарбий Европада адабиёт кафедрасини еса, Совет Иттифоқи Фанлар Академияси академик-корреспонденти В.М. Жирмунский бошқарди. Ушбу кафедраларнинг аъзолари профессор А.К.Боровков, Д.Д. Благой, Б.С. Мейлах, И.И. Векслер, доцентлар И.А. Кашкин, Е.Б. Тагер ва бошқалар эдилар[4.88].

1943 йилда “Роман-герман филологияси” кафедраси ташкил этилди, биринчи мудир эса Совет Иттифоқи Фанлар Академияси академик-корреспонденти В.Ф. Шишмарев бўлди. 1942 йилда илмий тадқиқотлар ва мутахассислар тайёрлаш соҳасида катта ютуқ сифатида аспирантура факультетининг очилиши ва 1942/1943 ўқув йилида диссертацияларни ҳимоя қилиш жараёнининг бошланишини кўрсатиш мумкин.

Москва, Ленинград ва бошқа марказий шаҳарларидан келган олимлар, масалан, фанлар академияси академиклари С.М. Липатов, Л.М.Благовешченский (“Ўсимликлар физиологияси ва биокимёси” кафедраси мудир), математика фанлари академиги И.Г. Петровский, профессор Б.В. Гнеденков, Н.Н. Мейман, Е.Е. Слуцкий, физика фанлари профессорлари С.Я. Лившиц, А.С. Компанеев, географ проф. В.М. Четёркин, ноорганик кимё профессори А.М.Зхарковский ва бошқалар фаол илмий фаолият кўрсатиб, фан ва таълим ривожига ўзининг катта ҳиссасини қўшдилар[6].

Эвакуация қилинган олимларнинг ЎОДУ таълим ва илмий жараёнига жалб қилиниши университетнинг илмий салоҳиятини кучайтиришга имкон

берди, 1942/1943 йилларда университетда кафедралар сони сезиларли даражада копайди. Ўқув йилининг охирига келиб университетда аллақачон олти факультет ва 48 та кафедра бор эди.

Кенгайтирилган профессор-ўқитувчилар таркиби ва талабалар ЎОДУ университетида машҳур олимлар томонидан олиб борилган тадқиқотларни молиялашда фронтга ўз жамғармаларини ўтказиб ёрдам беришди. Катта миқдорда маблағлар танклар колоннасини, “Ўзбекистон” қуролли поездини, “Ўзбекистон комсомоли” самолётини, “Совет Ўзбекистони” эскадриясини ва бошқа лойиҳаларни қуриш учун тўпланди.

Даврнинг барча мураккаблигига қарамай, таълим ва илмий ҳаёт бир дақиқага ҳам тўхтамади – университетнинг ривожланиши ва кенгайиши давом этди. 1944 йилда ЎОДУ университетида яна Шарқшунослик факультети ташкил этилди. Дастлаб у уч йўналишга эга эди: эрон-афғон, турк ва уйғур. Бир неча вақт ўтгач, араб тилшунослиги ва Шарқ мамлакатлари тарихи бўйича йўналишлар ташкил этилди. Шарқшунослик факультетида ўқитиш учун Тошкентда вақтинча бўлган шарқшунос олимлар жалб қилинди: Ўзбекистон Фанлар Академиясининг корреспондент аъзолари М.С.Андреев, Е.Е.Бертелс, профессорлар И.П.Петрушевский, А.А.Семенов, А.Н. Болдйрев, А.К.Боровков, Л.З.Писарвенский ва бошқалар[4.90]. Эслатиб ўтиш жоизки, Тошкентга эвакуация қилинган олимларнинг иштироки, юқорида айтиб ўтилганидек, университетнинг кенгайишига имкон берди ва 1945 йил охирига келиб, у саккизта факультет (тарих, филология, шарқшунослик, география, биология, геология, физика-математика ва кимё) ва 55 кафедрани ўз ичига олди, улардан еттита факультетлараро кафедралар эди.

Университет профессор-ўқитувчи таркиби уруш охирида 246 кишидан иборат эди. Улардан 42 нафар профессор, 99 нафар доцент, 51 нафар катта ўқитувчи мавжуд эди. Профессорлар таркибида тўққизта академик ва ЎзССР Фанлар академияси ижтимоий корреспондентлари ҳам бор эди, шунингдек, Ўзбекистон фани мухташамларига айланган 15 нафар шахс ҳам ушбу рўйхатда мавжуд. Улардан баъзилари: М.С. Андреев, Е.Е. Бертелс, Н.Л. Корзхеневский, Н.А. Кайзер, Е.П. Коровин, Н.И. Лебединский, Н.Г. Маллицкий, М.Е. Массон, А.А. Семенов, М.А. Орлов, А.С. Уклоонский, И.П. Цукерваник, Т.А. Саримсаков, В.И. Романовский, А.Ю. Якубовский, С.У. Умаров, Н.Н. Назаров, А.Г. Саади[4].

1941-1945 йилларда тадқиқот ишлари соҳасида катта муваффақиятларга эришилди, бу ерда университет тарихи давомида шаклланган илмий мактаблар ва йўналишларнинг ҳамда Москва, Ленинград ва бошқа шаҳарларнинг илмий марказларидан Тошкентга эвакуация қилинган таниқли олимларнинг фаол иштироки муҳим рол ўйнади.

ЎОДУ олимлари Иккинчи Жаҳон уруши йиллари давомида янги ҳудудларни ўрганишга, чўл яйловларида экспедициялар ўтказишга киришдилар, қишлоқ хўжалик зараркунандиларини ўрганиш соҳасида тадқиқотлар олиб борди, физика ва геофизика, синоптик ва динамик метеорология соҳаларида (1-ноябрдан бошлаб янги ташкил этилган синоптик метеорология кафедрасига профессор В.А.Жоржио тайинланди)[7] ва бошқа,

эҳтимоллар назарияси, математик статистика ва математик анализ, тарих, археология, филология ва бошқа йўналишларда тадқиқотлар олиб боришди. Шунингдек, уруш даврида Тошкентда бўлган Москва, Ленинград ва бошқа марказий шаҳарларнинг олимлари кўплаб диссертантларга муҳим ёрдам кўрсатдилар.

ХУЛОСА

Шундай қилиб, Иккинчи жаҳон уруши даврида ЎОДУ Ўзбекистонга эвакуация қилинган олимлар – академиклар, профессорлар ва доцентлар, шунингдек, эвакуация қилинган талабалари билан биргаликда инсоният цивилизацияси – фашизмнинг умумий душманига қарши ғалабани қўлга киритишга сезиларли ҳисса қўшди. Уруш даврининг қийинчиликларига қарамай, университет катта ўсиш ва кенгайишга, таълим, илмий тадқиқот ишлари ривожига жиддий натижаларга эришди ва юқори малакали илмий ходимлар тайёрлашда муҳим ўрин тутди. Ҳозирги кунда университет ўз миссиясини давом эттириб, ёшларнинг таълим сифатини ошириш, глобал стандартларга мувофиқ юқори даражада илмий тадқиқотлар ўтказиш вазифаларини бажаради.

Фойдаланилган манюа ва адабиётлар рўйхати

1. Тошкент шаҳар архиви, ф.38, р.1, и. 544, в. 45.
2. Мирзо Улуғбек номидаги Ўзбекистон Миллий университети архиви; САГУ буйруқлари, 1941 йил.
3. Мирзо Улуғбек номидаги Ўзбекистон Миллий университети архиви, САГУ буйруқлари, 1942 йил.
4. Тошкент университети тарихи очерклари, Т., Ўзбекистон, 1980, б. 89.
5. Ўзбекистон Миллий архиви ф. 94, р. 5, и. 4280, в. 16.
6. Ўтган адиблар ҳақида биографик маълумотлар, Т. Ўзбекистон, 1990, б. 38.
7. Мирзо Улуғбек номидаги Ўзбекистон Миллий университети архиви, САГУ буйруқлари 1943 йил.

Ишанходжаева З. Р.

Д.и.н., профессор кафедры «История Узбекистана»
Национальный университет Узбекистана
zamira.i@rambler.ru

Махкамova Р. А.

Базовый докторан кафедры «История Узбекистана»
Национальный университет Узбекистана
ranomaxkamova082312@gmail.com

НАЦИОНАЛЬНЫЙ УНИВЕРСИТЕТ УЗБЕКИСТАНА (САГУ) В ГОДЫ ВТОРОЙ МИРОВОЙ ВОЙНЫ

АННОТАЦИЯ

В статье рассматривается деятельность Среднеазиатского государственного университета (ныне Национальный университет Узбекистана) в годы Второй мировой войны (1941–1945). Проанализированы особенности перестройки учебного, научно-исследовательского и воспитательного процессов в условиях военного времени, вклад профессорско-преподавательского состава и студентов в дело Победы на фронте и в тылу. Особое внимание уделено роли эвакуированных ученых в укреплении научного потенциала университета, подготовке специалистов для нужд обороны, а также участию университета в развитии оборонной промышленности и народного хозяйства. Сделан вывод о значительном вкладе САГУ в общенародную борьбу против фашизма и его развитии как крупного научно-образовательного центра в военные годы.

Ключевые слова: Национальный университет Узбекистана, Среднеазиатский государственный университет, Вторая мировая война, высшее образование, научные исследования, эвакуированные ученые, военная подготовка, тыловая деятельность.

Ishankhodjaeva Z.R.

DSc., professor at the department of «History of Uzbekistan»
National University of Uzbekistan
zamira.i@rambler.ru

Makhkamova R. A.

Basic doctoral student at the department of «History of Uzbekistan»
National University of Uzbekistan
ranomaxkamova082312@gmail.com

THE NATIONAL UNIVERSITY OF UZBEKISTAN (CASU) DURING THE SECOND WORLD WAR

ABSTRACT

This article examines the activities of the Central Asian State University (currently the National University of Uzbekistan) during the Second World War

(1941–1945). The study analyzes the reorganization of educational, scientific, and social activities under wartime conditions, as well as the contribution of faculty members and students to the front and home front efforts. Special attention is paid to the role of evacuated scholars in strengthening the university's academic potential, training specialists for military needs, and conducting research aimed at supporting the defense industry and national economy. The article concludes that the university made a significant contribution to the fight against fascism and continued its development as a major scientific and educational center during the war years.

Keywords: National University of Uzbekistan, Central Asian State University, Second World War, higher education, scientific research, evacuated scholars, military training, home front activities.